

東安鄉土地地理教科書

EX 130.225

53p
部 =

7

東安
鄆地
理教
科書

附東安人物志一卷

東安鄉土地理教科書序

地理者學堂最要之一科目也不明地理有如盲人瞎馬動多窒碍是地理一科爲各種科學之主體無論大中小各學堂皆當兢兢講習但有世界之地理有一國之地理有一省之地理有一邑之地理學者苟不識門徑遽以五洲萬國之地誌盡力鑽研勢必至驚廣而迷茫然莫得其涯涘故行遠自邇登高必卑欲研究全球之地理不能不先從一邑地理入手然後由一邑而一省而一國以至於全世界循級漸進大勢瞭然則攸往咸宜頭頭是道是編於東安之風土人情營業物產等項調查精詳紀載簡括實爲

蒙小學必需之善本全編共分十五課條分縷晰記誦亦不至爲難讀是編者直不啻親履東安全境而一覽無餘矣光緒丁未季秋都門英斂之謹序

東安鄉土地理教科書

第一課 位置

本縣位置 在本部之東北隅 處直隸省之中央 屬於黃河流域之一小部分 經線自北京東一分起 至二十二分五十分止 緯線自北三十九度三分三十秒起 至三十九度四十分三分止

第二課 方域及面積

本縣在順天府東南一百四十里 廣袤東西距二十里 南北距一百五十里 東界武清 西界永清 南界靜海 北界大興宛平 西南接壤霸州 東北毘連通州 面積約五千餘方里

縣城周七里有奇 門四 外有濠 明弘治後相繼增築 國朝康熙十五年重修 乾隆十四年改築 十八年又修 近已傾圮 僅存之處 則崎嶇兀立 如斷隄然

第三課 沿革

本縣即古安墟地 黃帝時隸涿鹿 唐虞迄於周代 屬幽堯冀之域 戰國時屬燕 秦時爲上谷郡地 漢初置安次縣 縣治即今古縣 屬渤海郡 後漢隸廣陽郡 三國時屬

於魏之范陽郡 晉永嘉後 陷於五胡 後魏改名安城 屬燕郡 隋初復安次故名 隸涿郡

唐武德四年 移縣治於東南之石梁城 貞觀八年 移縣西五十里常道城 武后分方城今固安縣安次地 置武龍縣今永清

開元二十三年 移縣治於耿就橋南 終唐之世 隸於幽州石晉天福初 割燕雲十六州 以贖契丹 安次遂爲遼地

屬析津府 宋宣和五年 幽州入於宋 置燕山府 安次隸之 未幾 復陷於金 屬大興府 元中統時 改名東安 隸霸州 旋升爲東安州 屬大都路

明洪武初 降爲縣 屬北平府 洪武二年 避渾河水患 遷於常伯鄉之張李店 卽今治也 永樂時 改北平爲順天府 是爲順屬 國朝因之

第四課 區畫

明洪武初 編戶四十四里 弘治年併爲三十三里 嘉靖十年 仍復爲四十四里 至四十三年 知縣陶棟 詳請併爲一十八里 國朝因之而未改

近創辦警察 始分全境爲五 中局設於縣城 四鄉則東西南北 各設一局 又視各局之大小 設立分區以佐理之

共十三區 而統制於五局焉 南局設在得勝口 東局在葛漁城 北局在堤上營 西局設於舊州

第五課 形勢

本縣全境 成一狹長形 以西北部為最廣 銳端當其南 中部狀如蜂腰 東北有兩股 斜伸入於通州武清境 如蝟角然 其相連之頸 僅一帶耳 地勢高下不一 土質各異 南部平行 多沙土 乏黏性 不及北部之肥沃 北部地質膏腴 性燥易坼 雨水稍缺 旱災易成 中部濱河之地 多係淤泥 以地較低下 故屢受河水之害云

第六課

本縣河流 可分為三

一為永定河 又名渾河 即桑乾水 源出山西 由永清流入縣境

東入於武清界 水勢奔突 善淤決 挾泥帶沙 遷徙無

常 為境內之大患 兩岸築有大隄 以防氾濫 南岸隄 在縣南 四十餘里 北隄

在縣南 十二里 又就築隄方坑 挑濬成河 以洩草壩分減之水 即

減河也

一鳳河 源出南苑 由大興入境 經隄上營村南 流入武

清界

一龍河 上無來源 自大興流入本縣境 東南會啞吧河
又東北流 至落堡村南流入武清縣境
一啞吧河 自宛平入境 至安寓村南又流入永清界 復由
小碑陰南流入縣境 經縣城南 東北趨與龍河會

第七課 氣候

本境當赤道北三十九度 氣候係大陸性質 寒暑均不甚酷
雨量甚少 每歲小雪後 川河始冰 來年春分前 凍既
解 春夏之交 永定河附近之處 大風時起 黃沙瀰漫空
際 行旅皆苦之

四

第八課 物產

本縣地性 肥瘠不一 亦無特產之物 屬於天然之品 穀
類則以玉米 高粱 荳子 爲大宗 向日葵俗呼望日蓮 落花生

蕓薯 亦頗行銷境外 南部及西北部 稍有林業 所植

以楊 柳 槐 榆 爲多 果類則西北部及南部均產之

不過 桃 杏 葡萄 沙果 梨 棗 紅果而已 動物則

野有狐兔 鳥有黃鸝 喜雀 烏鴉 家雀 鷹 鷄 布穀

桑扈 燕 鴿 數種 家畜 有牛 馬 驢 騾 羊

豕 雞 鴨 鵝等

至於製造之品 隨處有粗笨柳器 南境所產之木杓 爲輸
出宗之大宗 暢銷於山東河南等處 渾河附近村落 所編
之草帽變革爲之 多有販至天津 運以出口者

蔬菜 以白菜 葱 韭 蘿蔔 茄子 王瓜 爲上 又有
籩豆 絲瓜 南瓜 倭瓜 等類 則農圃多種之 間有種
烟 棉花 西瓜 甜瓜 地王瓜者 花有草茉莉 鳳仙
丁香 戎葵 石竹 石榴 菊花 等種

藥類 有天麻 夏枯草 地丁 兔絲 車前子 蒺藜 枸
杞 香附 草麻 益母草 蒼耳 薄荷 牽牛 艾 鳳眼

苦丁香 蒲公英 萹蓄 等數十種
土人於耕種之外 向不知蠶桑之利 有實業家從此提倡
庶利源不難開也

第九課 村莊地畝及民戶

本縣所屬村莊 共四百有餘 約計地畝 凡八千餘頃 民
戶二萬餘 人丁之多寡 尙無確數 歷年所造之戶口冊
久已視爲具文 毫無足據也

第十課 民族宗教及職業

居民多係漢族 崇奉儒釋道二教 下流社會 迷信神佛甚

篤 西北部間有回民聚居者 崇奉西教者尙少 習俗儉樸
教育不興 開化者寥寥無幾 職業則務農者居多 抄出
外營商之人 近有創辦工藝廠者 苟能經理得人 則將來
之發達 可坐而待也

第十一課 學校

據丁未歲調查 統計公私初等高等各校 以及半日女子學
校 凡三十處 男學生 人 女學生凡十四人
風氣未開 苦心向學者尙少 非實行強迫教育 不爲功也

第十二課 鐵路電線

六

本縣之北境 有京津鐵路 自西北隅入境 橫貫縣界 直
趨東南 經武清以達天津 並附設電線 以通來往消息
車站在縣境者凡三
落堡 郎坊 萬莊也 又縣南褚河港村北 有由天津至保定府之

電線 庚子之亂 德人所經營 和議成 由政府贖回 永
定河南隄 有德律風 自天津以達永定道署 郎坊村前
及王家園村 有德人所遺營址 聯軍占踞京津後 分兵駐
紮於此 不知何日 方能雪此國恥也 我國民幸勿忘之

第十三課 古蹟

常道鄉 在今縣治西北五十里 魏書地形志 安次有葭道

城

魏曹瓚燕王宇子封常道鄉公後司馬昭迎常道鄉公爲明帝嗣更名奐

盧王屯 在常道鄉東南二十里 漢高帝五年 七月 盧綰

從擊燕臧荼 臧荼降 八月 立綰爲燕王 其名盧王屯

以綰與劉賈夾攻取燕 屯兵於此也 今俗名盧村

八里橋 在縣南渾河上 晉劉琨守此 以拒石勒 今無考

石梁城 方輿紀要云 在舊州頭東南五十里 卽今灰城也

狼城 在縣南四十五里 卽宋信安軍之狼城寨也

土樓 在縣東六里 宋時爲土兒衛 臺高一丈二尺 盤一

百六十步 建樓其上 今廢址尙存

七

崧州城 在縣西北七十里 遼古喇王所置州 卽今之稽察

王也

二土樓 在行市南 宋楊存勛 周伯蓋 讀書處 二人居

嘗慷慨 志復中原 及聞元統一中土 遽去 不知所終

舊州 元時升爲東安州 今舊州 卽元時之州治也

奕臺 在縣西十二里 高一丈六尺 周一百二十步 制如

土樓 元人點軍於此 今其址在左奕村

劉琨墓 在古縣東二十里樓桑村

遼韓澤墓 在縣西北五十里更生村

李侃墓 在縣北五十里 張莊東北 鳳河之陽

劉體乾墓 在縣北門外一里許

體乾字子元 嘉靖進士官至兵部尚書卒贈太子少保

第十四課 祠宇及官制

孔子廟 在縣治西 每歲春秋二仲月 上丁日 致祭

節孝祠 在學宮西 忠義祠 及鄉賢名宦二祠 均在孔廟

內

關壯繆祠 在縣治北街 每歲春秋仲月 戊日 祭祀

官制 知縣一員 典史一員 教諭 訓導 各一員 主簿

二員 防守尉防禦二員 驍騎校一員 舊州營 都司一員

千總一員 把總二員

第十五課 人物

名臣 在宋代則有呂餘慶 呂端 遼之韓延徽 韓紹勳

韓紹芳 明之李侃 以文學著者 宋時則有扈蒙 扈載

明初有李繼本 忠義如五代之趙玉 廉明如金之劉徽柔

抗直如明代之許復禮 孝子明代有周尙文 列女 如謝梅

氏 陳孔氏 孟苑氏 駱貞女 官斯土之賢長官 在明有

李驥 陶棟 歐陽保 國朝之李光昭 李璋 或名垂史

冊 或事載志乘 千載之下 猶足動人思慕者也

東安人物志

本書編輯大意凡往哲之有事績卓然不容湮沒者悉著錄之以資後世之所取法至若身居高位平生無一長之足述者並其姓名亦不著錄恐貽濫登之誚致汗我簡編也丁未秋日馬鍾琇識

五代周

扈載字仲默少好學工文廣順初舉進士爲監察御史拜水部員外郎知制誥遷翰林學士王朴甚重其才嘗以薦於宰相年三十六卒

宋

扈蒙字日用晉天福中舉進士周廣順中爲左拾遺直史館知制誥蒙從弟載時爲翰林學士兄弟並掌外內制時號二扈宋初爲翰林學士受詔同修五代史詳定本草累官工部尙書著有鰲山集二十卷

趙玉爲滄州節度判官呂兗客劉守光破滄州兗軍族被害兗子琦年十五見執將就刑玉給監者曰吾弟也監者信之縱琦去琦足弱不能行玉負之逾百里變姓名乞食於道以免後琦官至兵部侍郎玉仕至職方員外郎琦事之如父

呂餘慶本名微以犯太祖名故改名祖堯橫海軍節度判官父琦字輝山晉兵部侍

郎餘慶以蔭補官累遷尚書左丞爲人厚重簡易自太祖領藩鎮卽爲元僚受禪後趙普等先用餘慶怡不爲意會普忤旨左右爭傾普餘慶獨辯明之時稱其長者

呂端字易直餘慶弟以蔭補官由秘書郎歷清宰相初太宗欲相端或雲端爲人糊塗太宗曰端小事糊塗大事不糊塗決意相之卒諡正惠

遼

韓延徽字藏明太宗時累官崇文館大學士中外事悉令參決以

功拜左僕射世宗朝遷南府宰相卒贈尚書令封魯國公太祖初元庶事草創凡營建制作法度井然延徽力也子德樞未冠守左羽林大將軍授遼興軍節度使封趙國公

韓紹勳延徽孫仕至東京戶部使會大延琳叛被執不屈賊以鋸解之憤罵至死

韓紹芳紹勳弟重熙間參知政事廷議征李元昊力諫不聽聞敗嘔血死

金

劉徽柔字君美天眷進士由欒城簿遷洪洞令明敏善聽斷人伏

其神明大定中同知河東南路轉運使事以廉明第一累遷中路都轉運使卒於官

元

張宏綱祖父皆以戰功歷職通顯元綱有膂力常隨父出征數立功累官昭遠將軍後討八百媳婦以力戰死於陣諡忠武

程式者元時布衣也親喪築廬墓側事死如生慈烏巢於塚樹渾河爲之迴瀾至正乙酉於州治東設義塾一區贍地百餘畝延師以教鄉人又分田以給嫗族之窮乏者州學爲渾河所沒欲更建苦於無款式慨然捐地助之州學得以復興焉

明

李延興字繼本父士瞻爲元翰林學士承旨封楚國公嘗使閩適海酋據福州城王師攻之不下士瞻喻以利害酋遂出降閩人立祠祀之繼本至正丁酉進士授太常奉禮兼翰林檢討遭亂棄官隱居洪武中屬典邑校著有一山集朱錫鬯曾取其詩編入明詩綜評曰一山北方之學者其詩文頗拔俗長歌尤擅場云

李侃字希正正統進士授戶科給事中景泰中上皇將還侃言禮宜從厚忤旨被詰戶部尙書金濂違詔徵租侃論濂下之吏石亨從子彪侵民業侃請置重典廷議易儲諸大臣唯唯侃泣言東宮

無失德時議壯之以右僉都御史巡撫山西力振民紀貪墨屏迹
母喪歸遂不出侃事親最孝好學安貧歿幾不能殮二子德恢德

仁皆進士

佩繼本之孫正
統七年進士

許復禮字穉仁楊慎榜進士改庶吉士授兵科都給事中以抗直
聞武宗數出遊幸復禮力諫不省世宗初錢寧江彬宸濠之黨註
誤繫獄者甚衆復禮以爲言多所省釋中官黃錦懇高唐州判官
金坡連逮五百人以復禮言得弗窮治官終河南布政司參政

周尙文正統戊午舉人授樂昌訓導有孝行父目瞽尙文以舌舐
之復明母喪廬墓側盜不敢犯

四

黃簡字子敬成化戊戌貢授官山東濱州判民爲之歌曰黃子敬
心無競不愛錢食清俸

黃宗周字郁文別號近軒挑河頭人萬歷庚子舉人授知縣官汲
縣時審視利病均徭賦以廉明著會福藩封河南供億百出猝難
應辦太守知公才能一切皆屬之公王之闈人衛士倚勢橫索不
貲公以強項摧折之皆帖然不敢囂張尋陞濟南司馬備倭東州
任轉餉之寄凡二載以勤勞致疾乞骸骨當路不之許力疾從事
行至東州蘭若疾革語二子曰吾以馳驅王事不能生還分所當
盡勝於死牀第泣妻孥者多矣語竟而逝無一言及家事年五十

有四時泰昌改元也

邵鳴岐嘉靖庚子舉人爲東昌別駕革除陋規一塵不染署篆六邑皆有聲後朝城與臨清爭公境上訟於觀察使極獎許之遷竟州府司馬時憐邑以運道阻塞大司空朱衡督開漕河八百里動帑數十百萬三省監司知公廉舉司出納事竣朱大司空特薦內遷戶部郎後官至廣西府知府

劉體乾字子元嘉靖二十三年進士授行人歷轉左給事中時值財用絀詔廷臣集議多以追宿逋增賦額爲請者獨體乾上言宜裁冗吏清冗費二冗旣革國計自裕部議從之隆慶初累遷南京

戶部尙書有詔市絲二萬五千斤體乾請俟湖州貢帝不從趣之急給事中李已言三月非用絲時不宜重擾商民體乾亦復爭及命止進萬斤又詔趣進金花銀且購貓睛祖母綠諸異寶已上書力諫體乾請從已言不納又趣市珍珠黃綠玉諸物體乾清勁有執每疏爭積忤帝意竟奪官神宗卽位起南京兵部尙書奏言留都根本重地兵馬不及舊額之半軍弱足慮宜選兵隨伍操練發貯庫草場銀買馬又條上防守四事竝從之萬歷二年致仕卒贈太子少保

曹一貞崇禎戊寅貢士授清豐縣訓導甲申之變殉節死

高永傑性慷慨尙任俠康熙四十年剝船既裁其船地原係民產
旗人某欲規取以自私永傑激於義憤傾家貲冒險糾合東武
永固通寶六州縣船戶等合詞叩閩事聞而五百三十餘頃之船
地仍得爲民產其見義勇爲之風誠不可及云

列女 明

謝梅氏謝黑兒妻年十八夫亡欲殉姑止之曰汝志固如此但吾
夫婦年老無他人侍養況汝有娠倘生一子以續吾宗不愈於死
乎氏悟厥後果生一子夙夜操作以奉舅姑及卒脫簪珥以葬子
俊亦撫育成立守節四十年宣德中旌表

六

陳孔氏陳璉妻也璉以歲貢生入太學氏謹奉姑璉客死姑憐其
無子欲嫁之氏曰夫既早逝姑老且疾婦若他適姑將何依哭不
從時遇兵燹人多奔竄氏事姑甚謹卒盡賣衣飾葬之孀居五十
八年卒正統中旌表

國朝

孟苑氏適大城孟黑子僑居裏狼城姑無行尋以亂婦不從姑屢
窘辱之遂以六月五日投河死乾隆五年旌表入祠
駱娥年十七父亡與母兄處足跡不履戶外鄰人鄧逢春欲行強
暴女不爲其所汙竟被其用斧擊殺康熙五十三年旌表入祠